



Broj:01-16-5-2156-1/10
Sarajevo, 03.06.2010.godine

Na osnovu člana 2.12 stav (9) Izbornog zakona Bosne i Hercegovine ("Službeni glasnik BiH" br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i člana 18. Poslovnika Centralne izborne komisije Bosne i Hercegovine („Službeni glasnik BiH“, broj 50/07 i 33/09), Centralna izborna komisija Bosne i Hercegovine je na 25. sjednici, održanoj 03.06.2010. godine, d o n i j e l a

ODLUKU

o dopuni Odluke o visini naknade za rad članova izborne komisije osnovne izborne jedinice u Bosni i Hercegovini

Član 1.

U članu 1. stav (2) Odluke o visini naknade za rad članova izborne komisije osnovne izborne jedinice u Bosni i Hercegovini (Službeni glasnik BiH broj: 37/10), iza riječi „paušala“ dodaju se riječi: „ ili ukoliko naknada za rad odbornika odnosno vijećnika nije utvrđena u fiksnom mjesečnom iznosu, nego je vezana za dužnost koju vijećnik odnosno odbornik obavlja u općinskom vijeću, skupštini općine ili gradskom vijeću, odnosno njihovim radnim tijelima, kao i za broj održanih sjednica,“

Član 2.

U članu 2. stav (2) Odluke o visini naknade za rad članova izborne komisije osnovne izborne jedinice u Bosni i Hercegovini (Službeni glasnik BiH broj: 37/10), iza riječi „paušala“ dodaju se riječi: „ ili ukoliko naknada za rad odbornika odnosno vijećnika nije utvrđena u fiksnom mjesečnom iznosu, nego je vezana za dužnost koju vijećnik odnosno odbornik obavlja u općinskom vijeću, skupštini općine ili gradskom vijeću, odnosno njihovim radnim tijelima, kao i za broj održanih sjednica,“

Član 3.

Ova odluka stupa na snagu danom donošenja i objavit će se u „Službenom glasniku BiH“, „Službenim novinama Federacije BiH“, „Službenom glasniku Republike Srpske“, „Službenom glasniku Brčko Distrikta BiH“ i web stranici Centralne izborne komisije BiH www.izbori.ba.

Predsjednica

Irena Hadžiabdić

